

կումն, ի դալ տուլի զգանձանակն Սուրբ Աթոռոյս, զոր և կալաւ ամս ժի: Ստիպէր զԺողովուրդն իբր զքահանայս և զվարդապետս թէ Տո՛ւք լուսգին Տանն սրբոյ հոգոց ձերոց, որում գալուրի զգիր չնչինս գծէի: Այս քրիստոսասէր առաքէ զՀարազատն իմ յերուսաղէմ յետ ծնելոյ չուառիս ամսոց երից, և գրէ առ հայրապետն, զի ձեռնադրեաց քահանայ: Եւ յորժամ եկն, զամենայն ընթրիսն տեսեալ թէ Յանուռն ննջեցելոց իմոց մատուցի պատարագդ: Այս բարեպաշտ ամենայն մեծութեամբ իւրով խոնարհէր իրիցուն, որպէս Թէոդոս առ Ամբրոսիոս՝ յամենայն գործս իւր: Յաւուրս սորա ամենայն որքք և այրիք փոքր մասիս Հայոց որ ի քաղաքս՝ խնդալին: Եղև պաշտօնեայ առ ամենայն վարդապետս և եպիսկոպոսս, բազմաց հայր գտանէր, զօտարս և զվշտագնեալս՝) մխիթարէր և յամենեցունց ընկալեալ զաւրհնութիւնս, և ի գնալն՝ հանդերձ նամակաւ աւրհնութիւնս, գոհութիւնս և շնորհակալութիւնս տալին, որ կայ մինչև ցայսօր: Եկեղեցեաց տայր պարգևս, սպասս և անօթս, գիրք և աւետարան, ճաշոցս և այսմաւուրս, մինչև եհաս լուր նորա ի Մովսէս կաթողիկոսն, զոր ծանօթացոյց մեծ խաչատուր վարդապետն ի գալն իւրում աստ ի մօտ վախճանիլ նոցունց: Եւ նստաւ կաթողիկոս Սուրբ Էջմիածնի Փիլիպպոսն, և գրէր սիրոյ և աւրհնութեան, և ի սմանէ երթայր ընծայն ամէնաւրհնեալ Տանն: Եւ յորժամ կամեցաւ Հոգեորտէրն երթալ յերուսաղէմ, գրեաց սմա ըղծիւ եթէ Գայցես զի ի միասին կատարեսցուք զուխտ սուրբ եւ զմիմեանս տեսցուք: Եւ յորժամ լուաւ սա, վաղվաղակի պատրաստեալ զինքն ել ի ճանապարհ հանդերձ ամուսնաւն ընդ իւր, և առ զստրուկս ամենայնի որ գրեալ կայ [Ռ]Ղէ թվականն:

1) վշտանգեալս.